

ثلاث عقوبات مرعبة لقاطع الرحم .. انزل زور أقاربك .. و ماتعاديش ربنا !! | د . حازم شومان

حازم شومان

احنا في العيد يا جماعة واحنا في موسم صلة الرحم. كتير اوي بيعيدوا على قرايبهم دلوقتي ببوست على الفيس. او بايموشن او بملصق على الواتس. صلة الرحم اعظم من كده بكتير - [00:00:00](#)

كتير اوي يا جماعة ثلاث عقوبات مرعبة لقاطع الرحم للي ما بيوصلش قرايبه صلة حقيقية. ثلاث عقوبات مرعبة ممكن يكون كتير مننا اول مرة يسمع عن واحدة او اتنين العقوبة او الثلاث احاديس صحيحة ثابتة عن النبي عليه الصلاة والسلام. صححها الشيخ الالباني الله يرحمه. العقوبة الاولى رأى وباله قبل ان يموت - [00:00:10](#)

رأى وباله قبل ان يموت. يعني ايه رأى وباله؟ يعني نهايته تبقى وحشة. ايامه الاخيرة في الدنيا تبقى وحشة وصعبة. ويتبهدل في ايامه الاخيرة. من قطع رحما رأى وباله قبل ان يموت في السلسلة الصحيحة الالباني. اللي يقطع رحم يعني هو مسلا عنده خمس ست ارحام عنده خال وعنده عمه. وعنده مسلا اخت - [00:00:30](#)

وعنده مسلا وقطع رحم من الارحام دي من قطع رحمه. مش من قطع الرحم كله. رأى وباله ربنا يوربه الوبال. الوبال ده زي وابل الرشاش كده يقول لك وابل المطر المطر بينهم بلا توقف. يقول لك وابل الرصاص من الرشاش رأى وباله قبل ان يموت. زي قول الله فاخذ - [00:00:50](#)

انه اخذا وبيلا. مصايب ورا بعضها ومشاكل ورا بعضها. حياته تتملئ مشاكل. ليه؟ لانه قطع رحم دي العقوبة الاولانية. العقوبة الثانية قال رسول الله صلى الله عليه وسلم ان اعمال العباد تعرض على الله كل خميس كل ليلة جمعة يعني كل خميس - [00:01:10](#)

في عرض للاعمال فلا يقبل عمل قاطع رحم. يعني عمله مش مقبول اصلا. يعني يعني هو بيصلي عشان يسقط الفريضة على نفسه. هو بيصلح عشان ما يدخلش النار. طب وسواب الصلاة! طب ثواب الصدقة! طب ثواب الصيام. يبقى فلا يقبل عمل قاطع رحم. يبقى اعماله مش مقبولة. دي العقوبة - [00:01:30](#)

الخطيرة جدا عارف يعني ايه اعمال مش مقبولة؟ يعني اعمال مش هيتلوها اصلا خير في دنيا ولا في اخرة والعياذ بالله. العقوبة الثالثة المرعبة لقطيعة الرحم. قال رسول الله صلى الله عليه وسلم ما من ذنب ما من ذنب اجدر ان يعجل الله عقوبته في الدنيا معنى يدخره في الاخرة من - [00:01:50](#)

بغي وقطيعة الرحم. يعني قطيعة الرحم ده اكبر ذنب. ربنا يعجل العقوبة بتاعة قاطع الرحم دي يا جماعة. ده ده كلمة مرعبة. واحد قاطع رحم لا والله انا انا واصل رحمي انا لي واحد آآ حد قريبي وبيتصل بي وبتصل به. قال رسول الله صلى الله عليه وسلم ليس الواصل بالمكافئ - [00:02:10](#)

الواصل مش اللي بتتصل بيتصل بك تتصل به بيزورك تزوره بيحب هدية لولادك او بيعيد على ولادك تعيد على ولاده ده دي مكافأة يعني بتكافئ حاجة تكافئ حاجة انما الواصل ده اللي لما قرايبه يقطعوا رحمه وهو يوصلها. هو اللي بيتصل يا جماعة بوستات الفيس السوشيال ميديا دمرت صلة الرحم. آآ كل شوية تلاقي واحد باعت لك مولص - [00:02:30](#)

على الواتس انت كده عيدت علي اللي بيعت لك ملصق ما تردش عليه لو من قرايبك. وقل له اتق الله صلة الرحم اعظم من كده. ده العبادة الوحيدة اللي ربنا اشتق اسمها من اسمه - [00:02:50](#)

العبادة الوحيدة يا شباب. يا شباب انتم كبار انتم مسئولين. انت انسانة بالغة. انت في ملكين من السماء ربنا نزلهم لك. يكتبوا حسناتك وسيناتك عندك خمستاشر سنة انت كبير عندك عشرين سنة عندك خمسة وعشرين سنة عندك مية سنة لازم تصل قرايبك لازم شغل الفيس والبوستات والكلام ده القرايب ده - 00:03:00

تنزل تزورهم معك فلوس هات شيء من هدية. ما عكش اتصل لو الموضوع بعيد او الموضوع صعب او فيه زروف صعبة. هم في قرية مسلا فيها مسلا آآ كورونا او حاجة الموضوع زايد فيها. خلاص يبقى الاتصال حتى انما اقل من كده لأ. العبادة الوحيدة اللي ربنا اشتق اسمها من اسمه صلة الرحم. الصلاة ربنا مشتق اسمها - 00:03:20

اسمه. الزكاة ربنا ما اشتقش اسمها من اسمه. الصيام ربنا ما اشتقش اسمه من اسمه. العبادة الوحيدة اللي ربنا اشتق اسمها. مين اسمه؟ صلة الرحم من اسم الله الرحمن عشان كده الاتصال بين الرحم وبين الله اتصال مباشر. الرحم معلقة بالعرش اطلعي بقى انسي الدنيا واطلعي السبع سماوات واطلعي كمان. وهتعدى على سدر - 00:03:40

المنتهى اطلعي بقلبك فوق سدرة المنتهى. او صلي للمأ الأعلى. اطلعي كمان لحد ما توصلي للعرش. هتلاقي الرحم معلقة بالعرش. تقول يا رب هذا مقام العائد اعوذ بك من القطيعة. يا رب انا بستعيز بك من كل واحد قطع الرحم. الرحم بتقول لربنا اعوذ بك يا رب من كل قطعة - 00:04:00

الرحم بتستعيز منك يا كل واحد قاطع قرايبه. يا كل واحد ما بيوصلش قرايبه. يا كل واحد بيقول اصلهم بيكرهوني. اصلهم ما بيجبوني. النبي عليه الصلاة والسلام يقول افضل الصدقة - 00:04:20

على ذي الرحم الكاشح. الكاشح الكاره اللي بينك وبينه قضية. اللي والدتك معادية قرايب والدك لان هم مش بيجبوكم. اللي والدك ما في قرايب والدتك انت مالك؟ ما لكش دعوة خالص. زي اللي مامته وزوجته بيتشاكلوا عليه. ما انت بتبر امك وتبر زوجتك. انت مش مجال للخناقة هنا بالزبط كده - 00:04:30

تبر والدتك وتبر قرايب ابوك. تبر باباك وتبر قرايب مامتك. لازم كله يا جماعة صلة الرحم دي عبادة اساسية. الارض عمرها ما هتبقى سما. افضل الصدقة قال ان الصدق انك بتعامل ربنا مش بتعامل الناس. اصل قريبي ده زلمني. وقريبي ده شتمني. وقريبي ده رفع علي قضية. صلة الرحم دي علاقات قهرية. يعني انا باختار - 00:04:50

صحابي انما انا مش بختار قرايبي. قرايبك ده علاقة قهرية. ربنا فرضها عليك. ودي بتخليك انسان ناضج في الحياة. ليه؟ لانيك انت لما بتتعامل مع حد انت عارف انه ممكن يكون ما بيجبكش او ما عندوش عواطف ناحيتك او مهملك او متجالك انت بتتعلم انك تتعامل في الحياة بتعامل الله مش بتعامل البشر فتبقى انسان - 00:05:10

صادق في حياتك مش قناص مش منفسن مش مش عشان كده يا اخواننا صلة الرحم انزلوا احنا في العيد ربنا جعل فيه سبع ايام في السنة موسم صلة رحم. زي ما جعل رمضان - 00:05:30

القرآن وعشر ذي الحجة موسم ذكر وعرفات موسم دعاء. العيد الصغير والكبير سبع تيام موسم صلة رحم. دي ايام انت بتركز فيها في صلة الرحم. ده العمل الاول في حياتك - 00:05:40

في هذه الايام العبادة الوحيدة اللي بتضرب اكبر عقدتين عند الانسان. الرزق والاجل. من اراد ان يبسط له في رزقه يبسط. ربنا هييسطك. زوري قرايبك وربنا صوتك زر قرايبك وهتلوم هدية او حتى زورهم اتصلي بقرايبك وربنا هييسطك يبسط له في رزق وينسأ له في اثره. ربنا يطول عمرك. ربنا يمدد - 00:05:50

اجلك سبحانه وتعالى ربنا مقدر الاقدار سبحانه وتعالى فليصل رحمه. العبادة اللي بتضرب الرزق والاجل اعظم حلمين عند الانسان. يا جماعة احذروا من صلة بين عقوبة قطع الرحم. يا جماعة انزلوا زوروا قرايبكم. اوعى تقولوا مكسوفة. اصل هم ما بيتصلوش بي. اصل انا اعصري على نفسك كيس لمون عشان الله. انت رايح لربنا - 00:06:10

انت بتعامل ربنا مهمما كان المشاكل دي كلها ليست اعذار للبعد عن صلة الرحم. انزلوا زوروا واتصلوا وربنا هيخلف عليكم. والله كم رأينا توسيع ارزاق بسبب صلة الرحم؟ كم رأينا تيسير امور بسبب صلة رحم؟ كم رأينا فتح في الدين والدنيا بسبب صلة الرحم؟ صلة

00:06:30 - الله. اللي ربنا -

حب ان هو يبارك له في حياته وعمره هيخليه يصل للرحم. اللي ربنا يريد ان هو يوسع له رزقه هيخليه يصل الرحم. اللي ربنا يريد ان هو يبارك له في مستقبله. ما هو ما دام قاطع الرحم ربنا بيريه الوبال قبل موته. كما سبت عن النبي عليه الصلاة والسلام. يبقى واصل

00:06:50 - الله ربنا هيريه الخيرات المنعمرة قبل موته -

ما دام قاطع الرحم عقوبته اجدر انها تعجل في الدنيا يبقى واصل الرحم. سوابه اقدر انه يعجل في الدنيا. ما دام قاطع الرحم لا يقبل عمله يبقى واصل الرحم ان شاء الله يقبل عمله لا يدخل الجنة قاطع يا شباب دي اكبر مصيبة بقى. لا يدخل الجنة قاطع اي قاطع

00:07:10 - رحم. ما يدخلش الجنة اصلا. والعياذ بالله. طب انت -

متخيل ربنا يوفقكم او عوا تنهونوا في صلة الرحم لسة لكم ثلاث ايام في العيد اهو باقي النهاردة وبكرة وبعده فتوا على كل قرايبكم اتعبوا اجتهدوا وانتم رايعين قولوا يا رب فيك انت يا رب. يا رب فيك انت يا رب. والله يا رب مش المشاعر اللي محركانا. ولا

00:07:30 - المصالح اللي محركانا. ولا اللي محرکنا بس -

رضاك انت يا الله. اللهم اعنا على صلة الارحام. اللهم وفقنا في صلة الارحام. اللهم يسر لنا صلة الارحام. اللهم افتح على امة محمد بصلة ارحام. اللهم اكرم امة محمد بصلة الارحام. اللهم شرف امة محمد بصلة الارحام. اللهم رد امة محمد الى صلة الارحام -

00:07:50

00:08:10 - اللهم صلنا اليك يا واصل المنقطعين صلنا اليك اللهم امين جزاكم الله خير -